

ÅRSMELDING 2018 – FNF M & R

1. Innleiing

Kven og kva er FNF

Forum for Natur og Friluftsliv (FNF) i Møre og Romsdal er eit nettverk for mange friluftslivs- og naturvernorganisasjonar i Møre og Romsdal med til saman over 20 000 medlemskap. FNF Møre og Romsdal skal arbeide for å sette friluftsliv og naturvern på dagsorden. Auke bevisstheita om helse og livskvalitet samt kor viktig det er å ta vare på naturen og miljøet rundt oss. Med sin opne form og demokratiske styreform utgjer dei friviljuge natur- og friluftslivsorganisasjonane eit talerør for brukarane av allemannsretten i norsk utmark.

Vi er registrert i einingsregisteret og i tillegg frivillighetsregisteret.

FNF Møre og Romsdal har no 12 organisasjonar under FNF-paraplyen. Eit hovudmål også for 2018 har vore å skape eit meir forutsigbart og stabilt økonomisk grunnlag for organisasjonane tilknytta FNF. Fast driftstilskot frå fylkeskommunen utan at ein må søkje årleg har difor vore eit mål for FNF. No er det berre att to organisasjonar av våre 12 som ikkje får dette; Nordmøre og Romsdal krets KFUK-KFUM speidarane og Sunnmøre krets KFUK-KFUM speidarane. Vi har ikkje fått til noko endring knytt til dette i 2018.

Den 7. mai 2015 blei det etablert ein ny organisasjon Forum for Natur og friluftsliv (FNF) sentralt som har som mål og samle alle FNF-koordinatorane i ein organisasjon. Dette vart vidareført med at FNF Møre og Romsdal vart stifta 2 mars 2016 med vedtekter og registrert i Frivillighetsregisteret i Brønnøysund. Arbeidsgivaransvaret blei overført til FNF sentralt (1 okt 2016) medan styret i FNF Møre og Romsdal vil ha same mandat og arbeidsoppgåver som tidlegare arbeidsutvalet (AU) hadde.

FNF Møre og Romsdal har hatt som mål at alle dei 12 organisasjonane skal ha dei same rammebetingelsane før ein vurderer vidare utviding av organisasjonen.

2. Saker (eksternt)

Saker/uttalelser

- Fast årleg driftstilskot u/søknad; samordning av søknader frå

medlemsorg. med søknadsfrist 1 juni 2018 for ny søknad om faste driftstilskot (avgjort i KF 6 feb. 2019)

- Kommuneplan/reg.plan; heile fylket
- Sikring av areal til friluftsmål; nye sikringssaker i Tingvoll og Molde
- Kartfesting og verdsetting av friluftsområder; Det vart ikkje løyvd midlar i 2018 til kartleggingsprosjektet slik som det vart gjort i 2017 (kr 100 000). Elles har vi bidratt i møter og vurderingar i kartlegging og verdsetting av friluftslivsområder i heile fylket.
- Skjøtseltiltak i verneområda; utvalde naturtypar, lyngbrenning/slått, forprosjekt for ei slåttesamling i 2019 saman med Fylkesmannen
- Friluftslivsanlegg, turstiar, toalett (spelemidlar); heile fylket
- Frislepp av snøskuterkøyring, prøveordning for kommunar, nytt lovverk motorisert ferdsel
- Vasskraftutbygging; nye reguleringar i Sesselva
- Sykkel; sykling i tunellar, elektrifisering av sykkel i høve til friluftsløva
- Inngrep i urørt natur; vindmøller
- Jordvern; Gjemnes sjukeheim, Kvam
- Turistforeningshytter; Storlihytta
- Naust til org; heile fylket, Molde
- Skjergardsteneste; utgreiingsarbeide i samarbeide med friluftsråda
- Felles møtestad; Speidarhuset og alternative stader som Romsdal Kystkultursenter, Romsdalsmuseet
- Forureining; frå kunstgrasbaner ved gummigranulat ut i naturen, lusegift i oppdrettsnæringa

Møter

- Fylkeskommunen
- Statens vegvesen
- Kommunar
- Fylkesmannen
- Miljødirektoratet
- SNO

Representasjon

- Samlingar for FNF
- Ein repr. i verneområdestyret for Trollheimen, Ragnar Halle for NJFF, to repr. i rådgevingande utval for Reinheimen; Knut Festø frå Naturvernforbundet og Oddbjørn Opstad frå NJFF og ein repr. v/

Åsmund Steen frå ÅST i rådgjevande utval for Geiranger /Herdalen).

FNF Møre og Romsdal deler ein plass i RU for Dovrefjell med Trønderlag. Representasjon er uavklart pr dato.

Informasjon

- Nettsida til FNF (www.fnf-nett.no)
- FNF – folder utlevert på møter

3. Organisatorisk

Innleiing

Samansetninga av FNF i dei einskilde fylka tek utgangspunkt i organisasjonane som er med i Friluftslivets fellesorganisasjon (FRIFO), Friluftsrådenes Landsforbund (FL) og Samarbeidsrådet for naturvernsaker (SRN). Det er opp til organisasjonane i det enkelte fylke å avgjere kor breitt samarbeidet skal vere.

Kven er tilslutta FNF nasjonalt

Organisasjonene som er med i Friluftslivets fellesorganisasjon (FRIFO) og samarbeidsrådet (SRN) er; 4H Norge, Kristen Idrettskontakt, Den Norske Turistforening, Forbundet KYSTEN, Norges Turmarsjforbund, Norges Jeger- og Fiskerforbund, KFUK-KFUM-speiderne, Norges Klatreforbund, Norges Orienteringsforbund, Norges Padleforbund, Norges Røde Kors Hjelpekorps, Norges Speiderforbund, Skiforeningen, Syklistenes Landsforening, Norges Naturvernforbund og WWF-Norge. Friluftsråda er tilslutta gjennom Friluftsrådenes Landsforbund (FL).

Kven er tilslutta FNF i Møre og Romsdal

Det er pr dato 12 organisasjonar i Møre og Romsdal som har skrevet under tilslutningserklæringa.

Sunnmøre friluftsråd

Friluftsrådet Nordmøre og Romsdal

Naturvernforbundet i Møre og Romsdal

Norges Jeger- og Fiskerforbund

Molde og Romsdals Turistforening

Ålesund-Sunnmøre Turistforening

Kristiansund og Nordmøre Turistforening

4H Møre og Romsdal

Norges Speiderforbund, Romsdal og Nordmøre krets,

**Norges Speiderforbund, Sunnmøre krets
 Nordmøre og Romsdal KFUK-KFUM-speidere
 Sunnmøre KFUK-KFUM-speidere
 Styret i FNF Møre og Romsdal**

FNF Møre og Romsdal blir styrt av styre som består av valde representantar frå medlemsorganisasjonane. FNF Møre og Romsdals høgaste organ er det årlege årsmøtet kor alle medlemsorganisasjonane er representert. Årsmøtet har vedtekne eigne vedtekter for organiseringa og drifta av FNF Møre og Romsdal. Styret i FNF Møre og Romsdal har i 2018 vore;

Åsmund Steen (leiar)	Ålesund - Sunnmøre Turistforening
Ola Fremo	Friluftsrådet Nordmøre og Romsdal
May Britt Haukås	Sunnmøre friluftsråd
Åsa Fredly	NJFF-Møre og Romsdal
Øystein Folden	Naturvernforbundet i Møre og Romsdal

Det har i 2018 vore halde 5 møter med styret.

Administrasjon

Frå 1 okt. 2016 blei arbeidsgivaransvaret overført til Forum for Natur og Friluftsliv (sentralt). FNF Møre og Romsdal har i 2018 hatt kontor på Molde gamle stadion, Idrettsvegen 2, 6413 MOLDE. Kontoret er bemanna av koordinator med tlf. 46431427 med epostadresse; moreogromsdal@fnf-nett.no. Kontoret er plassert saman med Friluftsrådet Nordmøre og Romsdal og Molde og Romsdal Turistforening.

Fellesmøter

Det har i 2018 vore halde eit fellesmøte årsmøte 5 mars.

4. Økonomi

Den økonomiske tilstanden gir grunnlag for fortsatt drift. Årsmøtet i 2018 vedtok eit budsjett basert på at vi fekk innvilga vår søknad på kr 150 000 frå FNF nasjonalt, og eit budsjettert overskot på kr 111 000 for å auke eigenkapitalen. Vi fekk ingenting. Som følgje av dette vedtok styret ei budsjettregulering i august.

Vi gjekk inn i 2018 med ein eigenkapital på kr 51 335. Rekneskapen er gjort opp med eit overskot på kr 82 955 som er foreslått tillagt eigenkapitalen, som då blir på kr 134 290 ved inngangen til 2019. FNF nasjonalt rår til ein eigenkapital på kr 200 000. Når det gjeld øvrige budsjettpostar, viser vi til rekneskap for 2018.